



Minggu, 05 Maret 2023

Ogen: Hosea 9:15-17



BENA BENA ATE DIBATA NEMBEH



Lit sada titik awal ibas kegeluhen manusia. Lit sada paksa ntah pe ingan si jadi pemenan ibas geluhna, titik berangkat subuk kesuksesenna, penyebab sada kegagalan, sada arapen si itotoken dengen seh bagi sinisuraken ntah pe sada hal si mpeturah kejahatan. Sada kejadiin sierbahansa sekalak jelma tahu-tuhu berubah. Sienda perlu kal siete ntah si catatken gelah jadi sada ingeten ibas perdalan geluh, sada sada kesempatan ngataken bujur ibas kerina simehuli. Ntah pe jadi paksa si mpeturah perubahen geluh dikune e sada kesalahen, eteh kuga mperubahisa.

Bageme isuratken maka Gilgal me ingan si jadi permulan perbahanen jahat bangsa Dibata. Je nari me bena-benana ate Dibata nembah man bangsa enda. Ipelawes Dibata ia, lanai sitik pe ate Dibata keleng bangsa enda, pemimpinna mberontak janah bangsa e desken sinuan-sinuan si enggo kerah uratna lanai banci erbuah. Kai ras kuga kin Gilgal si jadi ingan pemenan kejahatan bangsa enda? Ije melala kuil berhala si jadi sembahen-sembahen kalak Israel, nduaken Dibata. Ijenari tahu-tuhu bene ate Dibata keleng seh maka ipelawesna bangsa e. Gambaren Israel si nembah ate Dibata enggo desken sinuan-sinuan enggo kerah uratna, la saja lanai mereken buah tapi ndeher ku kematen.

Banci saja kegeluhen kalak sitek pe bagi kalak Israel enda, ija nge ndia bena-benana ate Dibata nembah man banta? Erkiteken perbahanenta si la payo, lit kesalahen si la saja menaken kesalahen sideban (dosa beranak dosa) tapi pe engo kacinanamen. Perlu kal siinget ija titik mula kita lanai patuh kenca bage, labo dalih kita mundur ngakuken salahta, mpekenasa ka mulihken gelah maju kita ibas simehuli, ngena ate Dibata geluhta.